

BITARTEKOTASUNEN ESKAINTZA – 2023KO EKAINA - 2021EKO KONTRATAZIO-ZERRENDAK

Bitartekotasun batzuk eskainiko dira gaur, eta, horretarako, posta elektronikoa erabiliko da **2021eko kontratazio-zerrendetan** dauden eta lanerako disponible dauden pertsonekin harremanetan jartzeko. Kategoria honetan eskainiko dira lanpostuak:

➤ GERIATRIAKO FEM

Prozedura hau Osakidetzan aldi baterako kontratazioko zerrendak egin eta kudeatzeari buruzko Osakidetza-Euskal osasun zerbitzua Ente Publikoaren Administrazio Kontseiluaren 2021eko uztailaren 21eko Erabakiari jarraikiz egiten da. Erabaki hori Osakidetzaren webgunean argitaratuta dago, aldi baterako kontratazioari dagokion atalean: [Aldi baterako kontratazioa - Profesionalak - Osakidetza \(euskadi.eus\)](#)

Eskainitako izendapenak

Erantsitako formularioan zerrendatzen diren iraupen luzeko izendapenak eskaintzen dira. Iraupen luzekotzat hartuko dira sei hilabete edo gehiago irauten dutenak.

Nori eskainiko zaion

Izendapen luzeen kontratazioko zerrendan zaudeten eta lanerako disponible zaudeten pertsona guztiak nahi dituzuen izendapenak aukeratu ahal izango dituzue, eta hautaketa horretan eskainitako lanpostuak zein lehentasun-ordenaren arabera aukeratu dituzuen adierazi beharko duzue.

Era berean, 2021eko kontratazio-zerrendetan izena emateko eskaera egin duzuen baina oraindik zerrenda horietan sartuta ez zaudeten pertsoneri ere bidaliko zaizue eskaintza hau. Bitartekotasunak esleitzeko ordena Osakidetzan aldi baterako kontratazioko zerrendak egin eta kudeatzeari buruzko Osakidetzako Administrazio Kontseiluaren 2021eko uztailaren 21eko Erabakiaren 20. artikuluan ezarritakoa da.

Destino-aukeraketa

- Erantsitako formularioan, eskainitako izendapen guztiak daude jasota.
- Hautagai gisa izena emanda duzun zerbitzu-erakundeetan **bakarrik** aukeratu ahal izango dituzu destinoak.
- **Era berean, hautagai guztiak aukeratu ahal izango dituzte hizkuntza-eskakizuna duten eta derrigortasun-data iraungita duten lanpostuak, nahiz eta eskatutako hizkuntza-eskakizuna ez izan.** Kasu horietan, esleitzeko lehentasuna “Destinoa esleitzea” atalean ezarritakoa izango da
- **Bete nahi dituzun destinoak soilik aukeratu behar dituzu (ezin izango diozu uko egin esleitutako destinoari).** Hautagaiak ez ditu nahitaez aukeratu behar izena emanda duen zerbitzu-erakundeko edo zerbitzu-erakundeetako destino guztiak, aurrerago azaltzen den ofiziozko esleipenari kalterik egin gabe.

Betetzeko gai zaren destinoak SOILIK aukeratzea: dagokien Prebentzioko Oinarrizko Unitateak emandako ziurtagiri bat indarrean duten pertsonak, baldin eta ziurtagiri horretan onartzen bazaie badirela "**gai oharrekin**", soilik aukeratu beharko dituzte betetzeko gai diren destinoak.

Epea

Formularioa bete eta gero, helbide elektronikoa honetara bidali beharko duzu: 2021plc@osakidetza.eus. Mezu hori **2023ko ekainaren 20aren 14:00ak** baino lehen bidali beharko duzu.

Egun eta ordu horretatik aurrera ez da eskabiderik onartuko.

Era berean, ez da onartuko adierazitako helbide elektronikoa ez den beste helbide batera bidalitako eskabiderik, epe barruan bidaltzen badira ere.

Kontuan izan formularioaren egituran edozein aldaketa eginez gero eskaera **baliogabetu egingo** dela.

DESTINOA ESLEITZEA

A. Hasierako esleipena

Eskaintza eskainitako lanpostuen kopuruari baino pertsona gehiagori bidaltzen zaienez (lanerako disonible dauden pertsona guztiak), destinoak aukeratzeak **ez** du esan nahi horietako bat esleituko zaionik.

Izendapenak dagokion zerrenda luzeen puntuazio-ordenaren arabera esleituko dira automatikoki. Zerrendan lanerako disonible egonda ere deialdian ateratzen den lanpostua betetzeko eskabidea aurkezten ez duenari ez zaio zigorra ezarriko, jarraian arautzen den ofiziozko esleipenari kalterik egin gabe.

Derrigortasun-data igarota duen euskara-eskakizuna daukan lanpostu bat aukeratu baduzu eskatutako hizkuntza-eskakizuna izan gabe, esleipenerako lehentasuna honako hau izango da:

1. – Eskatutako hizkuntza-eskakizuna (2. HE) duten pertsonak;
2. – Eskatutako hizkuntza-eskakizunaren aurrekoa (1. HE) duten pertsonak;
3. – Hizkuntza-eskakizunik egiaztatuta ez duten pertsonak.

B. Ofiziozko esleipena

Izangaiek hautatu ez dituzten edo inori esleitu ez zaizkion izendapen-eskaintzak **ofizioz esleituko dira**, hauek kontuan izanda: zerrendako kideak hautatutako zerbitzu-erakundea, lanpostuen argitalpen-ordena, zerrendan duen lehentasun-ordena eta iraupen luzeko aldi baterako izendapenak hartzeko prest dagoen. Izangai batek ofiziozko esleipenari uko egiten badio eta ez badu justifikatzeko arrazoirik alegatzen, **2021eko uztailaren 21eko Erabakiaren 41.** artikuluan xedatutakoaren arabera dagokion zigorra ezarriko zaio.

Ofiziozko esleipenak lehenengo eskaintzatik hasiko dira, izendapenak argitaratu ziren ordenaren arabera; beraz, hutsik geratu den lehen izendapena ofizioz esleituko zaio zerbitzu-erakundeko izendapen luzeen zerrendan lanerako prest dagoen lehenengo izangaiari. Zerrenda hori agortuko balitz, barrutiko izendapen luzeen zerrendan lanerako prest dagoen lehen pertsonari esleituko litzaioke, eta horrela hurrenez hurren, izendapen guztiak esleitu arte.

Izangaiei posta elektronikoz jakinaraziko zaie esleitutako destinoa, eta dagokien zerbitzu-erakundeko Langileen Zuzendaritza haiekin jarriko da harremanetan lanean hasteko eguna ezartzeko.

Esleitutako lanpostua ez onartzearen ondorioak

Esleitutako lanpostuei ezin izango zaie uko egin, eta, beraz, esleitutako izendapen bat onartzen ez bada, kontratazio-zerrenda luzeetatik kanpo geratuko da interesduna 2021eko uztailaren 21eko Erabakiaren 41. artikuluan ezarritako epeetan, erabaki horren 27. artikuluan jasotako justifikazio-arrazoiren bat alegatu ezean. Justifikazio-agiria posta elektronikoz bidali beharko da, helbide honetara: 2021lp-lc@osakidetza.eus.